

ritatis alloqui te presumit factura manus tue &c. Nihil hujusmodi in *Richardi Opp.* edit. Colon. 1621. 4. bene vero inter *Anselmi Meditationes n. XIII. de Christo* edit. *suprac.* p. 225. *Gerberonio* in *Censura* praevia *Stilus* tamen disparatus est, atque primum inter *Anselmiana* editum a *Raynaudo* ex unico *Bigotii* Codice. *Definit: et regnum in solidum permanens in sec. sec. Amen.*

VIII. fol. 287. p. 2. Index rerum et quaestionum tractatarum in superiore Lectura in *Marcum*, et inchoatus in *Zachariam*.

IX. fol. 290. *Dubium Vtrum meum et tuum sit de lege nature.* Verum noli credere huic Titulo. Sequuntur enim ex erudito quodam *de Autoritate Conciliorum Generalium* Tractatu Pars *Capitis 49. Caput 50. et 51. cum Capitis 52. initio*, et quidem sic: *Vnde ibidem dicit ille Doctor tunc, examinatus authenticus et finalis Judex doctrinarum fidem tangentium est generale concilium. Intellige sic ut premissum est qualificatum scilicet legitime congregatum &c. prout hoc quidem in magna constantiensi synodo est diffinitum &c.* Agitur deinceps de variis Ecclesiae Acceptionibus; eam errare non posse; quae sit, quae nunquam erraverit, atque errare non possit, et sic ad Concilia generalia devenitur. De tempore scripti Operis liquet ex his C. 51. verbis: *ut patet de tribus nostro tempore successively congregatis concilijs, scilicet constantiensi Senensi et basilienfi; Patriam vero Germaniam*

putem e citato c. 50. *Henrico de Hassia.*

CLXXX.

Codex chartaceus lat. Sec. XV. U. 151

Folior. 278. f. per duas columnas bene scriptus, et rubricis enotatus hanc Notam praefert: *Iste liber datus est ad librariam Collegij ducalis ex parte venerabilis viri Magistri Theodrici de hamelburg doctoris Theologie. cui deus retribuat in vita eterna.* Atque hic Vir cognomine *Rudolphi*, Canonicus *Vien.* patria *Franco* Annis 1413. et 17. Academiae Rector praefuit. Codex porro Autoris nomen tacet, et *ἀνεπιγραφεως* incipit: *Glossa. Inter cetera incarnationis christi misteria que ysayas propheta diligenter et aperte pronunciat &c.* sed in Theca anteriore legas: *Glosa continua super Lucam*, quibus minute superscriptum, *Sanctus thomas de aquino.* Rite quidem; est enim Pars *Continui*, seu *Catena Aureae* in IV. Evangelia magni illius Theologi e PP. locis lectae, quae ab a. 1470. pluries typis excusa fuit, ut videre est in *Bibliotheca Ord. Praed. T. I. p. 326.* ubi simul contra *Petrum de Alva* Franciscanum disputatur totum istud Opus sodali suo *Pontio Carbonello* adjudicanti, dissentiente tamen ipso Ordinis M. Bibliothecario *Luca Waddingo*, qui *Carbonelli* Opus *Commentaria*, seu *Catenam sanctorum Patrum in universam sacram scripturam* vocat, fervarique manu scriptum VIII. Tomis in *Toletana* Suorum Bib-

liotheca ait, luce publica dignissimum.

CLXXXI.

- U. 125 Codex chartaceus lat. Sec. XV. Folior. 267. 4. currente calamo perscriptus hanc Notam praefert: *Hunc librum testatus est pro bibliotheca collegij Ducalis in Vienna M. Petrus de Pulka doctor sacre theologie, cuius anima requiescat in pace. De hoc Viro nos saepius, et Pars I. Scriptt. Univ. p. 95. Habetur vero hic ejus Lectura super Lucam incipiens a Prologo illo: Lucas syrus natione, antiochensis &c. et definens in Canones IV. Evangelistarum cum Praemonito, quod incipit: Quidam doctores antiqui circa ewangelia studiosi quorum primus fuit ammonius alexandrinus, secundus tasanus iustini philosophi et martiris discipulus, tertius uero beatus Jeronimus diligenter considerauerunt loca, in quibus quatuor ewangeliste idem dicunt &c. Vides Ammonium perperam praeponi Tatiano, filerique Eusebium Caesar. unde aegre adducor, ut hujus Praemoniti clausulae credam: *Explicit canon tabularum super quatuor ewangelia editarum a fratre Nycolao de lyra &c. doctior enim erat Lyranus, neque ejusmodi Canonem in ejus Operibus reperi. Lectura ipsa incipit: Quoniam quidem multi &c. Hic incipit scribere sanctus lucas et primo premittit ewangelio prefationem, 2° subiungit eius narrationem &c. Vide etiam Cod. Univ. 78.**

CLXXXII.

Codex chartaceus lat. Sec. XV. U. 78 Folior. 318. 4. currente calamo perscriptus est *Pars I. Expositionis Evangelii Matthaei in Viennensibus Scholis lectae, a C. videlicet I. usque ad IX. Praemititur larga Differtatio in laudem Scripturae sacrae hoc initio: Secundum uenerabilem consuetudinem in istis scolis theologicis haecenus obseruatam &c. Tum altera, quae sic orditur: Lecturus ewangelium beati mathei ante aggressum textus ewangelici aliqua preambula premittam communia omnibus ewangelijs &c.*

II. fol. 299. ἀνεπιγρφως habetur Harmonia IV. Evangelistarum, five Tabulae locorum concordantium cum Praefamine, quod incipit: *Quidam doctores antiqui circa ewangelium studiosi quorum primus fuit Ammonius alexandrinus, secundus casianus iustini (Carpianus vel Tatianus Justini) philosophi et martiris discipulus, tertius uero beatus Jeronimus diligenter considerauerunt loca, in quibus quatuor ewangeliste idem dicunt &c. Et subscriptum est: Explicit canon tabularum — editarum a fratre Nicolao de lyra &c. Per Johannem lukner. Idem Lyranus etiam ad calcem Tabularum nominatur. Ego vero illum neque Tabulas ejusmodi edidisse memini, neque eruditionem aut stilum ejus in praedicto Praefamine reperi; non enim ille Eusebium Caesariens. genuinum horum Canonum conditorem tacuisset, eique sub-*

posu-